



BURUNG PETREL PULU ROUND (*Pterodroma arminjoniana*) Pulu Keeling

Burung Petrel Pulu Round sudah dimasukkan didalam list spesis yang terancam (threatened) didalam Undang-Undang Penjagaan Alam Komonwel (*Environment Protection and Biodiversity Conservation Act 1999*).

DiAustralia, spesis ini hanya pernah ditengok dipulu Keeling, dimana burung in mungkin bertelur. Ada kekwatiran pasal kehidupan masa depan burung Petrel Pulu Round diAustralia.

Apakah itu burung Petrel Pulu Round?

Burung Petrel Pulu Round adalah burung laut yang saiznya sedang, ia ada kepala yang cayanya coklat, didua dua pinggir patok yang hitam ada tampok putih dan didagu dan gorohan cayanya putih. Caya bulu-bulu dibadan dan diatas sayap adalah kelabu-cokelat (grey-brown). Ia ada kaki caya merah jambu air, kukunya hitam dan dipinggir telapak kaki yang seperti bebek (webbed feet) cayanya hitam. Bangun badan dan rupa burung laki-laki dan perempuan adalah sama dan anak burung juga sama dengan burung dewasa. Saiz burung ada lebih kurang 35cm panjang dan lepar kedua dua sayap ialah 80-100cm.

Dimana ada burung Petrel Pulu Round?

Burung Petrel Pulu Round diAustralia hanya ada dipulu Keeling dilautan India, diluar Australia, spesis ini bertelur diPulu Round dekat Mauritius dilautan India dan didua pulu dilaut Atlantic Selatan. Dorang buat sarang diwatan pasir didarat dan terlindung dibawah pokok-pokok rendah. Musim bertelur biasanya dalam bulan February dan July.

Burung Petrel Pulu Round biasanya datang didarat hanya untuk bertelur. Dilaut, dorang selalunya terbang dekat diatas permukaan air, hanya sekali kali mengibas sayap dorang. Dorang ambik makanan dekat air. Biasanya burung burung tidak banyak membuat bunyi kalok terbang dekat permukaan diatas air tapi dalam musim bertelur kalok terbang diatas kumpulan burung didarat, dorang membuat bunyi panggilan kuat *ki ki ki ki* berkali kali.

Kenapa Burung Petrel Pulu Round terancam?

Burung Petrel Pulu Round dimasukkan didalam list spesis yang terancam (threatened) didalam undang-undang penjagaan alam Komonwel sebab ada kekwatiran pasal kehidupan masa depan. Walaupun pulu Keeling sudah jadi taman negara, yang telah kasi lindungan kepada burung-burung, kumpulan Petrel Pulu Round sangat kecil yang membuat dorang lebih terganggu oleh pelawat-pelawat yang datang dipulu dan kalok ada kemasukan secara tidak sengaja binatang yang merusak dan mengganggu burung burung ini (predators). Dengan berada dalam list, ini memastikan yang aktiviti-aktiviti yang mungkin ada gangguan mesti ditimbangan dan disahkan oleh Komonwel.

Kalok ada dilist juga akan membenarkan pembuatan rancangan selamatkan (recovery plan) yang akan membantu menjaga burung-burung yang bertelur dipulu. Rancangan selamatkan akan dibuat dengan pandangan dikasi oleh orang yang berminat untuk memastikan semua pekarapekara yang penting ditimbangan.

Untuk nasihat lagi pasal keterangan dalam surat ini tolong telefon Parks Australia North.

Parks Australia North
Government Conservator
Cocos (Keeling) Islands
Indian Ocean
Ph: 08 9162 6678